

2026/2027 სასწავლო წლის შემოდგომის სემესტრისათვის განკუთვნილი  
სასწავლო, კვლევითი და 2026 წლის სექტემბერში გერმანული ენის ინტენსიური კურსის  
გავლისათვის განკუთვნილი სტიპენდიების მოსაპოვებელი კონკურსის მონაწილეობის პირობები

კონკურსში მონაწილეობა შეუძლიათ თბილისის სახელმწიფო უნივერსიტეტის უმაღლესი  
განათლების შემდეგი საფეხურების სტუდენტებს, რომელთაც აქვთ **GPA არანაკლებ 2.5-სა**

1. ბაკალავრიატის საფეხურის მეორე\*, მესამე, მეოთხე, მეხუთე და მეექვსე სემესტრების სტუდენტებს, ამასთან ბაკალავრიატის საგანმანათლებლო საფეხურის სტუდენტს კონკურსში მონაწილეობის ეტაპზე დაგროვებული უნდა ჰქონდეს არანაკლებ 50 კრედიტისა. ([გაეცანით შესაბამის რეგულაციას](#));
2. ერთსაფეხურიანი საგანმანათლებლო პროგრამების მეორე, მესამე, მეოთხე, მეხუთე, მეექვსე, მეშვიდე, მერვე და მეცხრე სემესტრების სტუდენტებს;
3. მაგისტრატურის საფეხურის პირველი და მეორე სემესტრის სტუდენტებს;
4. დოქტორანტურის საფეხურის პირველი, მეორე, მესამე და მეოთხე\* სემესტრების სტუდენტებს.

\* სადოქტორო სტიპენდიებზე განაცხადის გაკეთების მსურველი მეხუთე და ზედა სემესტრების დოქტორანტების საყურადღებოდ: დოქტორანტურის საფეხურის მეხუთე და ზედა სემესტრების ის სტუდენტები, რომლებიც 6 სასწავლო სემესტრის განმავლობაში ვერ ახერხებენ სწავლის დასრულებას, აღნიშნულის თაობაზე ფაკულტეტის მიერ გაცემული ცნობის წარმოდგენის შემთხვევაში, დაიშვებიან კონკურსზე. ცნობა უნდა წარადგინოთ [არაუგვიანეს 27 მაისის 13:59 საათისა](#) შემდეგ ელ ფოსტაზე: [outgoingmobility@tsu.ge](mailto:outgoingmobility@tsu.ge)

გაცვლით პროგრამაზე განაცხადის გაკეთებით დაინტერესებული სტუდენტები უნდა დარეგისტრირდნენ გაცვლითი და მობილობის პროგრამების მართვის ელექტრონულ სარეგისტრაციო პორტალზე [mobility.tsu.ge](http://mobility.tsu.ge), ატვირთონ სააპლიკაციო დოკუმენტაციის სრული ჩამონათვალი (pdf ფორმატში) და გადმოგზავნონ განაცხადი ელექტრონულად არაუგვიანეს **2026 წლის 27 მაისის 13:59 საათისა** (თბილისის დროით).

- ✓ გამოგზავნილი განაცხადის შეცვლა ან/და ატვირთული დოკუმენტ(ებ)ის გამოცვლა შეუძლებელია.
- ✓ რეკომენდატორის მიერ რეკომენდაციის შევსების და გამოგზავნის გარეშე სააპლიკაციო განაცხადის გამოგზავნა არ არის შესაძლებელი. შესაბამისად, მნიშვნელოვანია რეკომენდატორი ჯეროვნად ინფორმირებული იყოს განაცხადის გამოგზავნის დედლაინის თაობაზე

**!! გთხოვთ, გაითვალისწინოთ, რომ შესაძლოა, შეიცვალოს უნივერსიტეტების ჩამონათვალი, რის შედეგადაც კონკურსზე რეგისტრაციისას შესაძლოა შესაბამის სარჩევში არ იძებნებოდეს თქვენთვის სასურველი უნივერსიტეტი, მიუხედავად იმისა, რომ იგი საკონკურსო განცხადებაშია ასახული.**

- ✓ ვინაიდან ეს არ არის აუცილებლად შესავსები ველი, აღნიშნული გარემოება თქვენ არ შეგიშლით ხელს სასურველ უნივერსიტეტზე განაცხადის გადმოგზავნაში. დოკუმენტაციის გადამოწმების ეტაპზე, თქვენი განაცხადი განიხილება იმ უნივერსიტეტებზე, რომელზეც თქვენ გექნებათ სრული სააპლიკაციო დოკუმენტაცია ატვირთული (შევსებული მობილობის ხელშეკრულება, მოტივაციის წერილი, დოქტორანტებისათვის, დამატებითად: საკვლევი გეგმის მონახაზი, წინასწარი მიღების წერილი და ა.შ)

## კონკურსზე დაშვების წინაპირობაა ქვემოთ ჩამოთვლილთაგან ერთ-ერთი:

ა) მიმდინარე კონკურსის რეგისტრაციის დასრულებამდე არაუადრეს 6 კალენდარული წლით აღებული შემდეგი სერტიფიკატები:

### 1. ინგლისური ენის შემთხვევაში:

- TOEFL (90 iBT), IELTS (6.5 მინიმალური საშუალო ქულა) ან CAMBRIDGE (FCE)-ის სერტიფიკატი;

- B2 დონეზე ფლობის დამატასტურებელი სერტიფიკატი CERTUS (<https://naec.ge/#/ge/post/1704>)

2. გერმანული ენის შემთხვევაში: TestDaF (TDN 3), DSH (DSH 1), DSD (B2), Goethe Certificate (90-100);

3. თურქული ენის შემთხვევაში: TYS (B2)

4. იტალიური ენის შემთხვევაში: CILS (B2), PLIDA (B2);

5. ესპანური ენის შემთხვევაში: DELE (B2);

6. ფრანგული ენის შემთხვევაში: DELF (B2);

ბ) უნივერსიტეტის მიერ ორგანიზებული უცხოური ენების ინსტიტუციური ტესტირების შედეგის საფუძველზე (არანაკლებ 71 ქულისა), რომლის შედეგიც ძალაშია ტესტირების ჩატარების სემესტრისა და მომდევნო 1 სემესტრის განმავლობაში, შესაბამისად, ამ კონკურსის მიზნებისთვის ვალიდურად ითვლება: 2025 წლის 1 ოქტომბრის, 2025 წლის 23 დეკემბრის, ან/და 2026 წლის 9 მარტის ტესტირების შედეგი;

გ) გერმანული ენის შემსწავლელი ინტენსიური კურსის გავლის მსურველებმა უნდა წარმოადგინონ ცნობა იმის შესახებ, რომ მათი ენის ცოდნის დონე შესაბამეა მინიმუმ B1 დონეს

### 1. ბაკალავრიატის საფეხურის და ერთსაფეხურიანი საგანმანათლებლო პროგრამის სტუდენტების შემთხვევაში:

გ) უცხოურ უმაღლეს საგანმანათლებლო დაწესებულებაში არანაკლებ 1 სემესტრის განმავლობაში დასწრებულად სწავლის დამადასტურებელი ოფიციალური ცნობის საფუძველზე, სწავლების ენის მითითებით, სადაც სწავლების ენად გამოყენებული იყო იმ უნივერსიტეტში/პროგრამაზე მოქმედი სწავლების ენა, რაზეც განაცხადს აკეთებთ;

დ) სკოლის დამამთავრებელი ან ბოლოსწინა სრული აკადემიური წლის დასწრებულად გავლის დამადასტურებელი ოფიციალური ცნობის საფუძველზე, სწავლების ენის მითითებით, სადაც სწავლების ენად გამოყენებული იყო იმ უნივერსიტეტში/პროგრამაზე მოქმედი სწავლების ენა, რაზეც განაცხადს აკეთებთ;

### 2. მაგისტრატურის საფეხურის სტუდენტების შემთხვევაში:

გ) უცხოურ უმაღლეს საგანმანათლებლო დაწესებულებაში არანაკლებ 1 სემესტრის განმავლობაში დასწრებულად სწავლის დამადასტურებელი ოფიციალური ცნობის საფუძველზე, სწავლების ენის მითითებით, სადაც სწავლების ენად გამოყენებული იყო იმ უნივერსიტეტში/პროგრამაზე მოქმედი სწავლების ენა, რაზეც განაცხადს აკეთებთ;

დ) თსუ-ში ისეთ უცხოენოვან პროგრამაზე სწავლა სადაც სწავლების ენად გამოყენებული იყო იმ უნივერსიტეტში/პროგრამაზე მოქმედი სწავლების ენა, რაზეც განაცხადს აკეთებთ;

### 3. დოქტორანტურის საფეხურის სტუდენტების შემთხვევაში:

გ) საზღვარგარეთის უმაღლეს საგანმანათლებლო ან კვლევით დაწესებულებაში კვლევითი სტაჟირების გავლის დამადასტურებელი ოფიციალური ცნობის საფუძველზე დასწრებულად,

კვლევითი სტაჟირების ენის მითითებით, სადაც სტაჟირების ენად გამოყენებული იყო შესაბამის უცხოურ უმაღლეს საგანმანათლებლო დაწესებულებაში საგანმანათლებლო პროგრამაზე მოქმედი სწავლების ის ენა, რომელზეც სწავლება/კვლევა/სტაჟირება სურს სტუდენტს წინამდებარე წესის საფუძველზე გაცვლით პროგრამაში მონაწილეობის მიზნით რეგისტრაციისას. კვლევის/სტაჟირების მინიმალური ხანგრძლივობა უნდა იყოს 2 თვე.

დ) საუნივერსიტეტო დონეზე პედაგოგიური საქმიანობის/სწავლების გამოცდილების დამადასტურებელი ოფიციალური ცნობის საფუძველზე, კერძოდ, არანაკლებ 2 სემესტრის განმავლობაში, თითოეულ სემესტრში მინიმუმ 5 კრედიტის დატვირთვის მქონე კურსის წაყვანა, სადაც სწავლების ენად გამოყენებულია შესაბამის უცხოურ უმაღლეს საგანმანათლებლო დაწესებულებაში საგანმანათლებლო პროგრამაზე მოქმედი სწავლების ის ენა, რომელზეც სწავლება სურს დოქტორანტს წინამდებარე წესის საფუძველზე გაცვლით პროგრამაში მონაწილეობის მიზნით რეგისტრაციისას.

ე) ბაკალავრიატის ან მაგისტრატურის საგანმანათლებლო პროგრამის უცხო ენაზე დასრულების დამადასტურებელი დოკუმენტის საფუძველზე, თუკი სწავლების ენად გამოყენებული იყო შესაბამის უცხოურ უმაღლეს საგანმანათლებლო დაწესებულებაში საგანმანათლებლო პროგრამაზე მოქმედი სწავლების ის ენა, რომელზეც სწავლება სურს დოქტორანტს წინამდებარე წესის საფუძველზე გაცვლით პროგრამაში მონაწილეობის მიზნით რეგისტრაციისას.

#### **4. ბაკალავრიატის, მაგისტრატურის, დოქტორანტურის ან/და ერთსაფეხურიანი საგანმანათლებლო პროგრამების სტუდენტების შემთხვევაში:**

ე) თსუ-ს სრულად უცხოენოვანი ან/და ერთობლივი უცხოენოვანი საგანმანათლებლო პროგრამების სტუდენტები თავისუფლდებიან შესაბამისი (რომელი უცხოენოვანი პროგრამის სტუდენტებიც არიან) უცხო ენის ტესტირების ვალდებულებისაგან, თუკი განაცხადს აკეთებენ ისეთ მობილობაზე, სადაც სწავლების ენა იგივეა, რაც სრულად

უცხოენოვანი ან/და ერთობლივი უცხოენოვანი საგანმანათლებლო პროგრამის სწავლების ენა თსუ-ში. აღნიშნული პირობა ძალაშია მხოლოდ იმ შემთხვევაში თუ, მიმღები უნივერსიტეტი არ ითხოვს თსუ-ს სრულად უცხოენოვან ან/და ერთობლივ პროგრამაზე რეგისტრირებულ სტუდენტებს შორის შერჩეული სტიპენდიანტებისგან უცხო ენის ტესტირების დამადასტურებულ ცნობას.

#### **სტიპენდიატა შესარჩევი პროცესი:**

- ელექტრონული განაცხადისა და შესაბამისი დოკუმენტაციის შემოწმება (თბილისის სახელმწიფო უნივერსიტეტი)
- გასაუბრება კანდიდატთა შესარჩევ კომისიასთან (თბილისის სახელმწიფო უნივერსიტეტი ან/და მიმღები უნივერსიტეტი)
- საბოლოო შერჩევა/სტიპენდიის მინიჭება (მასპინძელი უნივერსიტეტი)

#### **სააპლიკაციო დოკუმენტაციის ჩამონათვალი:**

1. პირადობის დამადასტურებელი კანონმდებლობით გათვალისწინებული დოკუმენტის - პასპორტის (მისი არარსებობის შემთხვევაში, პირადობის მოწმობის) ასლი (სკანირებული pdf ვერსია);
2. CV-ს ევროპული ფორმატი ინგლისურ ენაზე <https://europa.eu/europass/en/create-europass-cv>;
3. ცნობა სტუდენტის აქტიური სტატუსის შესახებ (გაცემული ინგლისურ ენაზე, სკანირებული pdf ვერსია);

4. მიმდინარე შეფასებების ამონაწერი აპლიკანტის მიერ გავლილი საგანმანათლებლო დისციპლინების მიხედვით, GPA-ის მითითებით (გაცემული ინგლისურ ენაზე, სკანირებული pdf ვერსია);
5. უცხო ენის ცოდნის დამადასტურებელი დოკუმენტი (*პირობები იხილეთ ზემოთ*). აპლიკანტებს, რომლებსაც თსუ ენის ინსტიტუციური ტესტის დადებითი შედეგი აქვთ, არ ესაჭიროებათ დოკუმენტის ატვირთვა;
6. ბაკალავრის დიპლომის pdf ვერსია (*მაგისტრატურის საფეხურის სტუდენტების შემთხვევაში*);
7. ბაკალავრის დიპლომის დანართი GPA-ის მითითებით ინგლისურ ენაზე (*მაგისტრატურის საფეხურის სტუდენტების შემთხვევაში*);
8. მაგისტრის დიპლომის pdf ვერსია; (*დოქტორანტურის საფეხურის სტუდენტების შემთხვევაში*);
9. მაგისტრის დიპლომის დანართი GPA-ის მითითებით ინგლისურ ენაზე; (*დოქტორანტურის საფეხურის სტუდენტების შემთხვევაში*);
10. დამატებითი მხარდაჭერა ნაკლები შესაძლებლობების მქონე აპლიკანტებისთვის; (არსებობის შემთხვევაში, სკანირებული pdf ვერსია):
  - შეზღუდული შესაძლებლობის მქონე პირი (სტატუსი უნდა დასტურდებოდეს კომპეტენტური ორგანოს მიერ გაცემული სამედიცინო ცნობით);
  - სოციალურად დაუცველი პირი (სტატუსი უნდა დასტურდებოდეს კომპეტენტური ორგანოს მიერ გაცემული ცნობით);
  - საქართველოს ოკუპირებული ტერიტორიებიდან იძულებით გადაადგილებული პირი, ან ოკუპირებულ ტერიტორიებზე მცხოვრები პირი (სტატუსი უნდა დასტურდებოდეს კომპეტენტური ორგანოს მიერ გაცემული ცნობით);
  - არასრულწლოვანი ბავშვის მშობელი (სტატუსი უნდა დასტურდებოდეს არასრულწლოვანი შვილის დაბადების მოწმობით);
  - ეროვნული უმცირესობის წარმომადგენელი;
11. შევსებული სასწავლო ხელშეკრულება (სკანირებული pdf ვერსია). ხელშეკრულების შესავსებად გადადით სასურველი მიმღები უნივერსიტეტის ვებ გვერდზე. დოკუმენტის სწორად შესავსებად კონსულტაცია გაიარეთ თქვენი ფაკულტეტის ხარისხის უზრუნველყოფის სამსახურში (**საკონტაქტო ინფორმაცია იხილეთ ქვემოთ, პუნქტი გ**) და მხოლოდ ამის შემდეგ შეავსეთ დოკუმენტის პირველი გვერდი. სრულყოფილად შევსების შემდეგ დოკუმენტი უნდა დაამოწმოს თქვენი ხელმოწერით და **ფაკულტეტის ხარისხის უზრუნველყოფის სამსახურის ხელმძღვანელის ხელმოწერით და ფაკულტეტის ბეჭდით. დანართი 1.** (გაეცანით შესაბამის რეგულაციას);
12. რეკომენდაცია ინგლისურ ენაზე (ელექტრონულ სარეგისტრაციო პორტალზე [mobility.tsu.ge](http://mobility.tsu.ge) რეკომენდატორის ველში უნდა შეიყვანოთ თქვენი რეკომენდატორი მონაცემები).
13. სამოტივაციო წერილი არაუმეტეს 1 გვერდისა; ტექნიკური მახასიათებლები: ფონტი - Times New Roman, ფონტის ზომა - 12, line spacing – 1.0, ველები - 2სმ.; (მოტივაციის წერილი უნდა დაიწეროს იმ პროგრამაზე მოქმედ სწავლების ენაზე, რაზეც განაცხადს აკეთებთ);
14. საკვლევი გეგმის მონახაზი არაუმეტეს 2 გვერდისა; ტექნიკური მახასიათებლები: ფონტი - Times New Roman, ფონტის ზომა - 12, line spacing – 1.0, ველები - 2სმ. მონახაზი უნდა დაიწეროს იმ პროგრამაზე მოქმედ სწავლების ენაზე, რაზეც განაცხადს აკეთებთ; (*დოქტორანტურის საფეხურის სტუდენტების შემთხვევაში*);
15. მასპინძელი პროფესორის (სამეცნიერო ხელმძღვანელის) მიერ გაცემული დაინტერესების წერილი (Letter of Interest) რომელიც გაცემული/ხელმოწერილი იქნება მასპინძელი უნივერსიტეტის შესაბამისი აკადემიური მიმართულების სამდივნოს ან/და პროფესორის მიერ; (*დოქტორანტურის საფეხურის სტუდენტების შემთხვევაში*);
16. აპლიკანტის ინფორმირებული თანხმობის ფორმა (გთხოვთ, ჩამოტვირთეთ **დანართი 2**, შეავსეთ გამოტოვებული ველები, ხელი მოაწერეთ, დაასკანერეთ და ატვირთეთ pdf ვერსია);

**დამატებითი მნიშვნელოვანი ინფორმაცია:**

ა) გაცვლითი და მობილობის პროგრამების მართვის ელექტრონული სარეგისტრაციო პორტალი [mobility.tsu.ge](http://mobility.tsu.ge)

- ✚ გთხოვთ, გაითვალისწინოთ, რომ პორტალი [mobility.tsu.ge](http://mobility.tsu.ge) არ არეგისტრირებს განაცხადებს ზემოთ მითითებული ვადის (**27 მაისის** 13:59სთ) გასვლის შემდეგ;
- ✚ პორტალი [mobility.tsu.ge](http://mobility.tsu.ge) არ არეგისტრირებს არასრულ სააპლიკაციო პაკეტს. სააპლიკაციო განაცხადი ელექტრონულად ჩაბარებულად ითვლება მხოლოდ გაგზავნის დილაკის დაჭერის შემდეგ. **სააპლიკაციო დოკუმენტაციის წარმატებით გამოგზავნის შემდეგ, აპლიკანტი ავტომატურად მიიღებს შესაბამის შეტყობინებას პორტალზე [\[mobility.tsu.ge\]](http://mobility.tsu.ge) მითითებულ მეილზე;**
- ✚ გასაუბრებების დრო და თარიღი ინდივიდუალურად დაეგზავნება ყველა აპლიკანტს პორტალზე [\[mobility.tsu.ge\]](http://mobility.tsu.ge) მითითებულ მეილზე;

ბ) კონკურსის ორგანიზების საფუძველი და შერჩევის წესი

თსუ-ს რექტორისა და ადმინისტრაციის ხელმძღვანელის ერთობლივი ბრძანება სსიპ - ივანე ჯავახიშვილის სახელობის თბილისის სახელმწიფო უნივერსიტეტის სტუდენტთა საერთაშორისო გაცვლით და მობილობის პროგრამებში მონაწილეობისათვის შერჩევის წესის დამტკიცების შესახებ <https://www.tsu.ge/ka/foreignrelations/page/8837>

„უმაღლესი განათლების შესახებ “საქართველოს კანონის” 49<sup>2</sup> მუხლის მე-4 პუნქტის თანახმად, დაუშვებელია გაცვლით საგანმანათლებლო პროგრამის მონაწილე სტუდენტისათვის სტუდენტის სტატუსის შეჩერება.

მობილობის პროგრამაში მონაწილე სტუდენტი მშობლიურ უნივერსიტეტში ირიცხება, როგორც აქტიური სტუდენტი და შესაბამისად, სტუდენტმა ყველა სემესტრში უნდა გაიაროს ადმინისტრაციული რეგისტრაცია! ([tsu.ge](http://tsu.ge))

გაცვლითი და მობილობის პროგრამების მართვის ელექტრონულ სარეგისტრაციო პორტალის ([mobility.tsu.ge](http://mobility.tsu.ge)) გამოყენების სახელმძღვანელო

[https://tsu.ge/assets/media/files/42/Outbound%20Mobilities/UserGuide\\_mobility.tsu.ge\\_v1.pdf](https://tsu.ge/assets/media/files/42/Outbound%20Mobilities/UserGuide_mobility.tsu.ge_v1.pdf)

გ) ხარისხის უზრუნველყოფის სამსახურების საკონტაქტო ინფორმაცია

1. ეკონომიკისა და ბიზნესის ფაკულტეტი (**ISSET-ის ჩათვლით!**): ასოცირებული პროფესორი მარინა ჩავლეიშვილი [marina.chavleishvili@tsu.ge](mailto:marina.chavleishvili@tsu.ge)
2. ჰუმანიტარულ მეცნიერებათა ფაკულტეტი: ასოცირებული პროფესორი დარეჯან გარდავაძე [darejan.gardavadze@tsu.ge](mailto:darejan.gardavadze@tsu.ge)
3. სოციალურ და პოლიტიკურ მეცნიერებათა ფაკულტეტი: პროფესორი თამარ დოლბაია [tamar.dolbaia@tsu.ge](mailto:tamar.dolbaia@tsu.ge)
4. ზუსტ და საბუნებისმეტყველო მეცნიერებათა ფაკულტეტი: ასოცირებული პროფესორი [tchelidze@tsu.ge](mailto:tchelidze@tsu.ge)
5. იურიდიული ფაკულტეტი: ასოცირებული პროფესორი გიორგი მახარობლიშვილი [giorgi.makharoblishvili@tsu.ge](mailto:giorgi.makharoblishvili@tsu.ge)
6. ფსიქოლოგიისა და განათლების მეცნიერებათა ფაკულტეტი: მანანა მელიქიშვილი [manana.melikishvili@tsu.ge](mailto:manana.melikishvili@tsu.ge)
7. მედიცინის ფაკულტეტი: პროფესორი ნინო ჩიხლაძე [nino.chikhladze@tsu.ge](mailto:nino.chikhladze@tsu.ge)

გთხოვთ, გაითვალისწინოთ, გაცვლით პროგრამაში გამარჯვებულმა ყველა სტუდენტმა (მობილობის განხორციელებამდე) უნდა გაიაროს სავალდებულო [სასერთიფიკატო კურსი „ინტერკულტურული კომპეტენციები“](#).

დამატებითი კითხვების არსებობის შემთხვევაში, დაგვიკავშირდით შემდეგ ელ-ფოსტის მისამართებზე:

- ორმხრივი თანამშრომლობის ფარგლებში შემოთავაზებულ გაცვლით პროგრამებთან დაკავშირებულ საკითხებზე: [exchange@tsu.ge](mailto:exchange@tsu.ge)
- DAAD-ს აღმოსავლეთ პარტნიორობისა და ევროკომისიის მიერ დაფინანსებული ერაზმუს+ პროგრამების ფარგლებში შემოთავაზებულ გაცვლით პროგრამებთან დაკავშირებულ საკითხებზე: [outgoingmobility@tsu.ge](mailto:outgoingmobility@tsu.ge)